

DEO OPTIMO MAXIMO

UNI ET TRINO,

VIRGINI DEI-PARÆ, ET S. LUCÆ,

Orthodoxorum Medicorum Patrono.

QUÆSTIO MEDICO-CHIRURGICA\*,

QUOD LIBETARIIS DISPUTATIONIBUS

manè discutienda in Scholis Medicorum, die Martis vigesima-septimâ  
mensis Martii, anno Domini M. DCC. LXX.

M. JOANNE-NICOLAO MILLIN DE LA COUR

VAULT, Anatomes & artis obstetriciæ in gratiam  
Matronarum Professore, Doctore Medico Præsidente.

An impeditis lacrimarum viis, parari debeat lacrimis artificiale iter, in cavum quod  
juxta maiorem oculi canthum, inter superficiem internam palpebræ, & oculi  
globum deprehenditur.

I.



N externam oculi superficiem, rore amico, depluit latex limpidus quem fundunt excretorii glandulæ lacrimalis ductus; quâ proportionē stillat ros ille, eadem fere per oscula ductuum lacrimonum resorptus, ad interiora sacci lacrimalis, deinde ad nares, mediante ductu nasali, transmittitur; varia sunt noxarum genera quibus, per itinera modo memorata, præpediri potest lacrimarum transmissio; dum enim majori oculi cantho adnascitur tumor aliquis ut v. g. Epithelis, dum hæret obex ductui nasali, dum fistulâ laborat, aut fungo infestatur saccus lacrimalis, dum post inflammationem palpebrarum, coalita remanent puncta lacrimonalia, tunc interclusis meatibus, super genas flumine refluo decidunt lacrimæ; huic vicio impositum est epiphoræ nomen, maximas ægrotanti creat molestias, siquidem perpetuo lacrimarum fluxu abstergitur humor ille unguinosus quo lubricantur palpebrarum margines, hinc tarsi intumescunt, rubent, tandem inflammatione correpti exulcerantur; unde natales ducit tetrum deformitatis genus quod Ectropium vocant; cum igitur gravioris admodum momenti sit incommodum istud, non mirum quod defudarint tot præstantes in arte Chirurgicâ viri, ut præclusum lacrimis restituerent iter; quid fausto partu in medium protulerit illorum industria perlustrare est, hinc facilius elucescet quàm cæteris præstet nova methodus a Celeberrimo hujusce scholæ M. ANTONIO PETIT excogitata, quæ sola id laudis sibi vindicat, ut periculi omnino expers, feliciter in omni casu usurpari queat, citra ullum cicatricis inhonestæ vestigium; & primo, ne devii, huc illuc ferantur, gressus, non abs re erit morborum qui epiphoram generare solent genuinis caracteribus, causis & symptomatibus paulisper immorari.

II.

NOXARUM quibus tentantur viæ lacrimales individua comes Epiphora; hinc omnia susdeque miscentibus, eodem nomine placuit insignire morbos indole, naturâ, situ planè diversos; etenim vox fistulæ semper sonat, fallitque incautos insulsa denominatio; istius saltem erroris dedecus vitare nostrum est, ridiculum

\* Authore M. L. PÆUX, D. M. P. 1766,

nimis, Epiphoræ pendentis ab oclusione ductûs nasalis; aut à coalitione puncto-  
 rum lacrimalium; fistulæ nomen tribuere; quando adest occlusio ductûs nasalis;  
 his sese prædit notis: cum ad narem perlabi nequeant lacrimæ, sensim sine sensu  
 coacervantur in sacco, hinc turget adeo ut extrinsecus in conspectum prodeat tumor  
 qui hernia lacrimalis juxta quosdam; hydrops sacci lacrimalis juxta alios vocatus fuit;  
 ubi verò ita intumuit receptaculum, ut nihil jam intronitti queat, cum secretioni  
 semper eodem tenore vacet glandula lacrimalis, necessariò continget ut ex oculo per  
 genas decendant lacrimæ, si digito prematur cutis cui subjacet saccus, tunc per puncta  
 lacrimalia refluit humor contentus, qui ob moram fissior, materiem purulentam  
 colore aliquando mentitur. Ista sacci lacrimalis prominentia facile distinguitur ab an-  
 chilope qui est tumor carunculæ durus, inæqualis, digitorum pressioni renitens,  
 ab Ægilope qui est ulceris species in viciniâ sacci lacrimalis posita. Timendum est ne,  
 dum distenditur saccus, distractis nimium fibris, rumpatur, tunc soluti continui ora  
 semper ab acrioris lacrimæ effluxu irritata indurescunt, pus mali moris eructant,  
 callis obfidentur, & fistula propriè dicta locum habet; causas obstructionis ductûs  
 nasalis referre est aut ad compressionem à polypo oriundam, aut ad inflammationem,  
 quibus causis fit ut moras necat liquidum, parte fluidiori sufflaminatâ, quasi feces  
 subsident super parietes ductûs, sicque factâ congestionem, ponatur obex jam artis me-  
 dicæ molimina irrisurus; post variolas, prægrillâ palpebrarum inflammatione, sæpe  
 contingit ut exulcerata seu puncta lacrimalia, seu ductus lacrimales coalescant: hujus  
 mali diagnosi eruitur ex perpetuo lacrimarum effluxu quem in sacco lacrimali nullus  
 stipat tumor nec alterius generis noxa. Tandem ex alio morbi genere refractariæ ad-  
 modum indolis, natales mutuatur Epiphora. Juxta majorem oculi canthum, rup-  
 to lacrimarum receptaculo, sordidum ulcus deprehenditur pus ichorosum plorans,  
 cuius ora callis circumdata; fistula lacrimalis audit, quæ simplex aut complicata,  
 benigna aut maligna; complicata quando adest caries aut ossis unguis, aut apophi-  
 seos ascendentis ossis maxillæ superioris, aut apophyseos orbitariæ internæ; maligna  
 quando inversa, ac dolorifica soluti continui ora indolem canceri induunt: pro variis  
 istis nozarum generibus in diversas processum fuit medendi vias, ad quarum exposi-  
 tionem properamus.

### III.

**O**BSTRUCTO ductu nasali, veteres hanc instituebant operationem: lumine  
 adverso collocabatur ægrotans, ipsius capite ad posteriora nonnihil retracto,  
 tunc Chirurgi manus scapello recto instructa, cutim quâ obtegitur saccus lacrimalis,  
 digitorum ope firmiter tensam secabat incisione semilunari quæ orbitæ curvaturam  
 ferè sequeretur; diducto vulnere prodibat saccus lacrimalis apice instrumenti transfi-  
 gendus, quo facto, contra os lacrimale magnâ vi specillum ita adigebatur, ut rupto  
 osse ad naris cavum penetraret; postea per foramen, aut cereus, aut ligneum ba-  
 cillum immittebatur, quæ retrahere nefas donec plagæ exteriori cicatrix inducta fuerit;  
 spreta obsolevit hæc methodus, nec immeritò; præter periculum quod secum inveh-  
 bat ossis fractio, id evenit ut, retracto bacillo, luxurient undique carnis gemmæ,  
 seu ex membranâ pituitariâ, seu ex tunicis sacci lacrimalis, sicque, obturato aditu,  
 malum de novo recrudescat; secum reputans quam manca sit veterum agendi norma,  
 Anelius, novam methodum excogitavit; immisso per punctum lacrimale superius tenui  
 specillo paululum incurvo cuius apex in olivæ formam desinit, illud adigit usque ad  
 cavum sacci lacrimalis, tunc blandè moritando, oppositum obicem vincere nititur,  
 quem ut superet liquor idoneus in saccum impellitur; ista rectius excogitata  
 nondum omne punctum tollunt. 1<sup>o</sup>. Multos nancisci est apud quos per exiliora  
 ductuum lacrimalium officia aditus sive specillo, sive syphunculo patere nequaquam

poterit. 2.<sup>o</sup> Quandoquidem intermissio rite succederet, hærens ductui nasali moles; illatam vim luderet, aut nondum altiori radice serpsisset malum; in medium profertur altera methodus, quæ faustos habet exitus quando morbus stat in principio; huc collimare est ut instituta compressione, nihil colligi queat in sacco lacrimali, & dum mediantibus per nares injectionibus, minuitur in ductu nasali resistentia, sensim sine sensu ad pristinum robur redit saccus, & obex aliquando solvitur; si nihil inde boni emerferit, ad aliam opem confugiendum venit; adacto per nares in ductum nasalem specillo, nucleus obstructionis pedetentim frangitur, non omisis interea injectionum artificii; quo quidem operandi modo id obtinetur ut felicius nifu in nucleum impingatur; attamen non raro caret effectu prædicta operatio, ea adesse potest conformatio ut osse turbinato inferiori supra quod hiat ostium ductus nasalis strictius osse maxillæ applicato, apex specilli nullâ arte intromitti queat; Chirurgus Parisiensis Celeber. *Petit* veterum medendi rationem ingeniose admodum correxit; incisionem eodem fere modo celebrat, adeo ut ad nasi radicem incipiat super illum locum ubi hæret tendo musculi orbicularis, quem citra ullam noxam lædere fas est; sedulo incumbere debet medentis cura, ut partem cutis, quâ in oculi angulo palpebræ inter se committuntur, integram servet, aliter oritur Ectropium; postea diducuntur incisionis ora, conspicuoque lacrimarum receptaculo, altera insigitur plaga, per quam immititur specillum ad nasi interiora, superato ductus nasalis obice, deducendum. Hanc methodum cæteris præstantiorem varia obsident incommoda; nonne aliquando abit in fistulam plaga exterior? nonne modo cicatrix inducta fuerit, metuendum ne intus ad turgidulis carniunt gemmis ostium præcludatur? tandem quando res prosperrimo omine cederent, quamdam deformitatis notam imprimit cicatricis vestigium.

Quos in obstructione ductus nasalis varii admoverunt auctores operandi modos; fido ordine recensuimus: nunc paucis perpendere est quid in oclusione seu punctorum, seu ductuum lacrimalium, quid in fistula peractum fuerit; quoad primum morbum, non desuere qui snaderent glandulæ lacrimalis extirpationem quasi, remoto ipsiusmet operationis periculo, corneæ desiccate diu servaretur pelluciditatis honos. Alii voluerunt ut acu tenuissimâ transfigerentur ductus lacrimales, sique ductibus restitueretur lumen; istâ in theoriâ fulgeant, iis enim non faver praxis, hic stetit industria: quoad fistulam, immisso per aperturam specillo, hærens ductui nasali obex detruditur, postea medicamentis rodentibus ora fistulæ callis obsta depascunt, si caries adsit, nudato osse carie tentato, levem noxam spirituosus, majorem ferro canelente circumcidunt; quo facto scopus eo tendit ut cicatrix obtrineatur, sed si fungus interiora sacci occupet, si ejusdem sacci suppuratione exesi nulla maneant vestigia, quid ab arte petendum? in his ut & in prædicto oclusionis ductuum lacrimalium casu siluerat ars, donec a Celeberr. Hujusce Sch. M. *Petit* ditata, novum auxilii genus in omnes morbos mox memoratos feliciter accomodatum, protulerit.

#### I V.

**J**UXTA majorem oculi canthum, infra carunculam lacrimalem, cavum quoddam inter internam palpebræ inferioris superficiem, & oculi globum deprehenditur. Hic ad latus in sulco ossis unguis delitescit sacci lacrimalis pars antica & superma quam sola obtegit conjunctiva: hunc locum operationi dicatum voluit Celeb. Prof. *Ant. Petit*, adhibitis quæ requirantur cautelis, scilicet ut convenienti modo præparetur ægrotans, ut manè institutur operatio, quia turgescens saccus rudi etiam & inexperto monstrat iter, ut in situ idoneo superius descripto, caput ægrotantis recumbat; quo facto, diductâ inferiori palpebrâ, adeo ut cavum de quo jam dixi, latè pateat, timori lacrimalis sacci immergitur scalpellum rectum, planâ instrumenti superficie ad oculum spectante: incisione celebratâ, specillum duce scalpello, immititur, eoque usque ab obicem adacto, vi quâdam ad nares paratur via. Primis diebus

4

cereus minor aut Cannula in foramine retinetur; donec orā incisionis occaluerint & postea ad hunc locum utpote declivorem delabentibus lacrimis, non pertimescendum ne obturetur aditus: hanc operationem exponere, laudare est. Cæcutiret profectò qui primā fronte ipsius commoda non intueretur; in omni casu successus non fallax, nihil periculi, nulla deformitatis nota, præfens ac efficax in obliteratione ductuum lacrimarium, in ipsiusmet sacci lacimalis destructione, auxilium, in id conspirant, ut methodus hæc palmam cæteris præcipiat.

V.

**H**ANC operationem nullus boni detractor increpet tanquam imaginationis ludum in musæi silentio partum; pluries jam celebrata, spem nunquam in praxi fefellit; sed ut pericula detegat, se ipsa torquebit malè ingensiosus pavor: nonne inquit, ex plagā conjunctivæ inflictā oriri potest valida oculi inflammatio? nonne si carnes ex labro incisionis progerminent, intercipitur ad nares communicatio? Quoad primam objectionem, inanis est mali metus, quod tantūm malè peractā contingit, cuius aliunde facilis medela; quoad secundam, nodus rescandus venit, quia perpetuo lacrimarum defluxu, apertum servatur foramen; prætera med jante cannulā quæ in cavo majoris oculi canthi delitescet, omne impedimentum aut præcaveri, aut præcidi potest; nullum nunc ferit aures objectionis murmur; quid igitur superest, nisi ut vela traham properando ad conclusionem?

*Ergo impeditis lacrimarum viis, parari debet lacrimis artificiale iter, in cavum quod, juxta majorem oculi canthum, inter superficiem internam palpebræ, & oculi globum deprehenditur.*

## DOMINI DOCTORES DISPUTATURI

- |   |   |  |
|---|---|--|
| <p><i>M. Maximilianus - Josephus</i><br/><b>LEYS.</b></p>   | <p><i>M. Guido DANIE DESPATU-REAU.</i></p>          | <p><i>M. Joannes MACMAHON, Antiquus Exercituum Regiæ &amp; Nosocomiorum Militarium Medicus, Regiæ scholæ Militaris Medicus ordinarius.</i></p>   |
| <p><i>M. Joannes DESCEMET, Censor Regius &amp; Scholarum professor.</i></p>   | <p><i>M. Cleriadus VACHIER.</i></p>                 | <p><i>M. Franciscus THIERY, Regis à salubri Consilio, Regii Medicorum Collegii Nanciei, Socius Honorarius, Re. &amp; que ejusdem civitatis scientiarum &amp; Humaniorum Litterarum Academia.</i></p> |
| <p><i>M. Joannes-Baptista Franciscus DE LA RIVIERE, Consiliarius Medicus Regis ordinarius in ejus Castellæto.</i></p> | <p><i>M. Petrus-Josephus MORISOT DESLANDES.</i></p> | <p><i>M. Anna-Claudius D'ORIGNY,</i></p>   |

Proponcbat Parisiis JOANNES - JACOBUS NOLLAN; Parisinus, Saltuberrimæ Facultatis Medicinæ Parisiensis Baccalaureus, A. R. S. H. 1770, à sextâ ad meridiem.

---

Typis QUILLAU, Universitatis & Facultatis Medicinæ Typographi 1770.